

如今事已冠簪笄多少文人費品題但得瑞筠成操後高名千古伴清溪

雲圃大伯大人送女奔喪吟

閻敬銘 丹初

哀情一去守空房幾度思量幾度傷惆悵箱奩餘縞素當年枉作嫁衣裳

孤鴻啼怨一聲聲望斷三湘縹渺情不是抗懷矜素節人生去就要分明

非關甘作未亡人一顧高堂一愴神此去聊寬慈母意含情忍把淚沾襟

如此蕭條更仗誰女兒身並作男兒那堪之子歸來日正是家貧室罄時

一片孤懷履素霜此身端不負王郎兒家自有兒家事還把心情慰阿孃

未有歸期自請期高風從此愧鬚眉要知松柏能成節都賴先生女誠垂

如今那衛許論婚定卜深閨哲弟昆他日天章遙錫處更添聲價到龍門

述嗣母李孺人行狀

王映彬

先妣氏李潼關應籍世居華陰縣東王村遠祖曹國公文忠明初從龍有功起家

將軍子孫襲職至諱希賢者爲潼關指揮使遂家焉入清太高祖夔龍以廩貢生
教諭華陰聖祖皇帝西巡以卓異特旨簡授保昌縣知縣在任有循聲從此書香
綿延父諱標庠生伯父諱榕文行兼優學者稱爲蔭伯先生母氏張亦名族先妣
姊妹二長適朝邑閻敬與先生先妣居次先妣生而聰慧凝靜異常十歲解女紅
日夕不輟雖未識字讀書然嫻姆訓如女誡女經一說了然若素所誦習者先祖
母聞其賢遂爲先考委禽焉先妣年十七于歸有期而先考竟以疾不起計聞於
李先妣一痛幾絕涕泣數日飲食俱廢告父及伯父曰女聞烈女不更二夫非有
大故不出其門今夫亡孀姑無依女願代亡人以供子職父不可先妣誓以死殉
一日早起往村南將投井鄰人救之父見貞烈成性志不可奪許其行時道光十
七年秋九月也奔喪臨行父與伯父各以詩章勗之無他益贈惟佩以劍以示微
意所過村堡婦女爭觀擁遏車馬不能行凡有知識者莫不感歎流涕本村趙德

章以孝廉任山西臨縣知縣罷職家居聞先妣至曰此異人也命妻子跪道旁執酒迎之邦人士亦聞而稱奇贈以詩歌文賦另有彙集邑侯姜申璠異其事申詳大憲轉上於朝旋奉諭旨褒嘉准守貞三十年後旌表如例入祀節孝祠先妣自奔喪後慎出入謹言語朝夕起居惟姑是從姑每思子哭泣至廢寢食先妣多方勸解跪依膝前哀止方起每飯必親無夕不侍先意承志曲盡婦道不孝本生祖父每見而喜之且憐而慰之道光丙午歲飢舉家乏食先妣活光度日典盡衣衾不惜也家人或勸少留之先妣曰養親爲大惜物何爲不孝本生祖謂先祖母曰有婦若此無異佳兒斯時不孝生父幼先妣以兒嫂代撫小叔顧復鞠育有加無已厥後生父常以母事之同治壬戌髮逆過境閩家避棲山谷不孝本生祖剛勇異常率衆殺賊歿於戰事生父遠遊他鄉叔父尙幼不孝亦僅在懷抱外無禦侮之親內少負薪之童仰事俯蓄艱難萬狀先妣理家務勤紡績雖菽水承歡終無

懈意里人賢之稱爲女中丈夫迨同治壬申闔迺不孝姨兒也以庶常官京師
爲先妣呈請旌表咨行到縣查明覆部先祖母亦蒙旌表俱准建坊入祠光緒戊
寅先祖母見背先妣痛欲不生日吾事畢矣拔劍自刎者再皆爲家人苦勸而止
癸未先祖母及先妣入祀節孝祠乙丑建修節孝碑兩座里人仰高風者嘖嘖焉
不孝幼時愚不知學先妣嘗撫不孝而言曰幼不學老曷爲倘不潛心攻書非吾
兒矣稍長令就外傅凡脯修資費多出母手節敬春筵無一稍缺時有饋異味者
先妣常不忍食必令奉之先生諸子姪孫讀書無不加意甲戌不孝補儒學弟子
員弟學彬爲彬先後俱以府試第一入學人咸謂潛德日彰先妣戒諸子曰此讀
書之驗也吾願汝輩勉之先妣治家以肅率下以儉教子女有法相以內肅如也
偶見有明瑋鮮妝風言笑語者輒弗喜俛首不顧曰此非吾家風也嗚呼此我母
之有造於我家也此我母大節炳炳於天壤間也憶婺賈之歲以光緒二十三年

丁酉三月十六日戌時距生於道光元年十二月二十日戌時春秋七旬有七計守貞六十年不孝幼爲所抱即爲之嗣娶崔氏田氏崔氏早逝孫男三長執周庠生聘潼關廳武舉張世英女次執恭執權俱幼孫女二均未字今卜葬於村南新塋壬山丙向謹述大畧以備采擇俾信於後謹狀

蘇氏花天顯未合卷之妻也天顯歲當舞勺母因家貧命服賈遠方以謀生計時蘇女已許纓於花而天顯卒於外母因思兒鬱結成疾湯藥乏侍乃招女過侍操井臼如舊婦姑疾彌留恐至不諱婉言慰解卒使沉疾漸瘳氏即戀姑不歸定省無間及卒族衆建坊請旌以表苦節其聯云未接夫顏空鐵性嫻循女範自霜筠王氏王三錫女也許字段士校年十三值髮逆圍村女自分不能逃與母相泣而別誓以捐軀遂啟門往投東鄰之井瞥見男女紛雜嘆曰有別之義豈在此轉至西鄰井畔望之皆女流遂爭先投之而死見府志

貞氏豫省湖城人生而明慧教之讀輒能上口父沒依外祖爲生活稍長儀守內則不苟言笑女紅之外一意承歡孀母賴以少慰年十七字華陰刑部郎中李善初之子書城母之內姪也二姓雖係中表之親而書城生長燕京隨侍父任曾未一躡女門故無半面緣既而書城以疾卒兇耗至女痛不欲生越一載母欲另字女因悲憤不言亦不食託疾謝母漸至絕粒卒以不起蓋其從容就義不顯淑烈之名早決於不言不食之時矣

彭貞女貢生彭延齡女字郝宏文夫家貧翁又歿家人欲悔親女聞之潛使人謀諸舅氏曰所不歸郝氏者神明鑒之郝氏濟則甥之福不濟當以死繼之卒適郝氏後以嗣子履謙列茂才姪履方舉鄉薦率子時往彭氏之門爲其父母奠祭焉楊烈女諸生楊朝柱女未字同治間髮逆過華劫朝柱且強女行不從將殺之朝柱曰汝速往勿念我渴則井可飲女會父意遂就道賊復索朝柱銀馬不暇顧女

適路側有井急往投焉賊追之已無及

楊烈女楊增爽女字貞發明有姿色髮逆至女聞之語人曰婦人所恃者節耳與其生以失節不若死以全貞家人驅之逃女度難自全遂潛縊於樓時年十五

田烈女田大豐女年十七值捻匪亂隨母避居原上賊突至欲脅之行且慰曰勿恐吾不傷爾女見勢急謬指同行老婦謂賊曰此媪吾母也若從汝吾即隨去賊回顧女乘間投崖死

孫烈女永濟良家女以歲饑賣爲華陰某家作婢風度端凝出門不舉首人咸異其非婢之面目光緒六年十月年十七自悲流落不偶幾遭強暴汚以嚴拒免服毒而死

陳烈女監生煥霖女

節孝

陳氏張太臨妻太臨早逝無子氏撫姪盛德授室後歷年未幾盛德又卒遺孤未週歲與孀婦王氏撫養成立辛苦備嘗享壽七旬有三

許氏李維景妻年十六于歸越三年而寡矢志撫孤動循禮法子又卒撫二弱孫俱獲成立其堂叔恭毅公億官京兆尹時專丁祝頌云慶衍蘭塔綿柏性甘餘蔗境慰松貞壽八旬而終

賈氏段士奇妻山東候補知縣維埔繼母也年十七于歸六閱月夫卒氏欲身殉姑勸乃止自是足不出戶言笑弗苟訓子慈而嚴終底於成同治元年髮匪之亂逃亡失姑蹤跡之不得氏日夜飲泣幾喪明越數月城外井中有尸氏疑是姑亟趨人縋而出諦審泡軀外有綴繫之銀飾物曰果吾姑也痛哭頓絕頃之復蘇殯葬如禮鄉人稱之後維埔謁選至京同鄉官知乃母之懿行聯名爲之請旌云

張氏王萬頃妻年十七于歸越七年夫歿遺子考經甫三齡氏矢志撫孤孀姑在

堂養志承權無失禮節撫小叔萬勝恩義備至學使慕旌其門曰貞松慈竹

田氏潘宗信妻年十七于歸越四年而宗信歿子甫三齡昆仲不容議分炊姑憐氏少寡與氏同居事姑至孝姑病篤氏數十晝夜目不交睫姑歿欲以身殉伯叔責以撫孤承宗大義遂不復言死其後孫輩成立享壽九十有六卒時曾孫已五齡里衆爲之讚曰節孝盡分壽而臧慶五世分聚同堂家瑞人瑞兩發皇同治十三年旌

楊氏袁萬誥妻于歸未幾夫歿氏年二十三貞靜自守以養翁姑爲己任紡績度日育姪爲嗣母子相依始終不渝同治十一年入節孝祠

楊氏張有祥繼妻廩貢生金聲之祖母舉人崇善之曾祖母年十六于歸甫閱月而寡矢志靡他前室之子文淵多疾中年殞謝與媳李氏撫育弱孫期於成立既而金聲以縣試首選入泮食餼爲名下士守節至六十年之久請旌建坊獎給巾

囑完人區額光緒七年入節孝祠

屈氏花欽五妻二十一歲孀奉翁姑撫藐孤備盡心力守節七十餘歲卒

屈氏花允茂繼妻十七歲于歸一年而寡矢志守節撫姪爲嗣孝事翁姑終無懈

意年七十餘卒同治十二年旌

張氏嚴永寬妻二十六歲而寡家赤貧翁老子幼紡績度日翁歿鬻所績布多匹

以營喪具斷機教子有古賢媛風卒年七十有三旌表如例光緒十九年入節孝

祠

孟氏王懷明妻二十六歲而寡家極貧常至屢空奉姑盡禮撫孤成人年六十有

二卒光緒二十二年旌

李氏杜凌塘妻年二十九夫歿孝親撫孤矢志靡他舉報節孝學使趙表曰貞孝

可風

陳氏王鳳林妻二十六歲而寡家道寒微甘心貧苦事翁姑極孝敬以姪生員兆賢爲嗣光緒二十二年學使趙旌其門曰節峻寒松

李氏李映桂妻夫故氏年二十九歲守節歷三十一年始終如一光緒二十四年由吏部主事雷天桂呈請旌表

黃氏鄧鼎甲妻年二十而寡事奉老姑撫育嗣子孝慈兼盡家素殷實捐錢百餘緡爲本村設立仰山義學光緒三年歲大饑又出重資賑濟飢民邑侯鄭給矢志靡他匾額旌表

郭氏張學訓妻十九歲而寡繼姑在堂氏侍奉無違以姪爲嗣教之成人守節五十餘年毫無間言學使旌曰慈竹可風

郭氏附生楊煜妻年十五于歸二年夫以髮匪亂殉難翁姑在堂家道寒苦炊不能供氏竭誠孝養毫無倦容嗣子恩鉢夫婦先後早逝孫清廉甫十歲氏以績紡

供讀列入邑庠天報苦心理宜如是沈學使奏旌曰節孝兼全

楊氏張俊妻十七于歸越七年夫亡氏泣謂翁姑曰死者遂已矣翁姑豈遂以無子失養耶事翁姑三十餘年鄉黨僉稱其孝後撫螟蛉視猶己出卒蒙旌表

李氏潘芭文妻年二十于歸四年夫亡遺孤二齡翁姑年邁家道艱難夫初咽氣時即慷慨欲殉親鄰委曲勸阻乃止非日親操奉養翁姑竭力無違後經邑紳舉報旌表如例

張氏郝長興妻年十九夫亡翁姑相繼而歿氏不以家貧稍惜棺衣費茹苦含辛歷四十餘年邑紳舉報學使沈奏旌曰甘貧苦節

崔氏李春清妻于歸時姑先歿未幾春清亦逝氏矢志守節勸翁繼室翁以有姪拒之氏泣然泣曰如未亡婦何翁遂繼娶苗氏生春元氏喜曰天不絕李氏也翁旋歿苗亦繼亡氏撫呱呱者恩勤備至長使就傅入泮食餼邑侯申轉請旌曰節

義可風跋文記之

郭氏生員董懷珍妻守節三十餘年經學使朱奏旌曰茹苦含辛

任氏貞從新妻年十八夫亡生遺腹子家甚貧氏矢志不遺奉親育孤均盡其道
歷四十五年邑侯常旌表其門

張氏貞錫槐妻年二十一嫠居誓不再醮四十五年而卒旌表建坊

李氏貞行中妻年十八夫亡深明不二之義優游安命外戚同族中有嬖姑強項
妯娌爭口者氏每曉以仁孝禮讓令其自釋年七十餘而卒旌表建坊

史氏貞卜復妻慈善穎悟勤於女紅年十八于歸次年夫歿撫遺腹子備歷艱辛
守節四十餘年旌表建坊

李氏貞卜益妻朝邑李時齋先生女孫也性聰慧畧涉書史年十六于歸不二年
夫亡氏奉事翁姑守節二十餘年旌表入節孝祠

孫氏貞瀛選妻正氣儼然望之可畏年十六夫亡守節三十餘年邑侯李旌其門曰巾幗完人

余氏還牛堡劉永祿妻年二十一夫亡姑老子幼氏甘貧茹苦奉親教子艱辛備嘗守節五十餘載

張氏王作棟妻同治元年作棟被賊戕害時氏年二十六敬事翁姑和睦如媿終無疾言遠色年八十有七卒光緒十六年旌

張氏郭登倫妻年二十三而寡家極貧或勸再醮乃以刀斷其右指誓以靡他奉老姑撫幼子四十餘年如一日及姑歿氏典簪珥以營葬鄉里皆稱其孝

郭氏季純修妻年二十二而寡奉姑教子志堅金石以女紅給薪米每飯時先遣子外出以精饌供姑冀其多啜食也數十年不少變年七十三卒

唐氏張印川妻夫禦賊殉難姑老子幼賴氏一人經營生活扶屯濟否四十餘年

保門祚于不墜

某氏王喜元妻二十五歲夫禦髮逆死難氏奉翁姑撫二女守節四十餘年卒

党氏梁河水妻同治元年夫故氏年二十七矢志不二堅苦端嚴鄉黨稱之

屈氏張勉型妻府經歷張靄母也明都御史直之苗裔于歸後事繼姑以孝聞年二十六夫亡二子均幼伯氏不能容氏因常居母家撫二孤以期成立厥後祖母及母弟相繼棄世以主喪乏嗣族衆欲停遷柩先分遺產氏邀戚屬合族衆理論卒爲立嗣存其遺產返自母家僦屋而居力指而食苦不堪言恐家聲不振遣子靄負笈從師終以子職邀封宜人並蒙旌表蓋苦節之報云

潘氏屈文炳妻年二十四夫亡事姑孝孤兒弱女教養有方子振高竟以回匪亂死擇族孫之良者爲立嗣潘氏之鬼不至餒爾

王氏張有才妻年三十夫亡引妹子以爲己嗣年屆六旬猶勤紡績不輟

楊氏郭正發妻年二十五而寡子女俱幼撫養成立經四十餘年卒

盧氏王秉東妻年二十二子未滿月夫逝家貧姑老饗殮維艱氏以布易粟朝夕供膳履霜齧冰行之坦然年八十四而卒

劉氏嚴德寬妻年二十九而寡子方週歲貧瘠無聊人代爲憂而氏矢志撫孤益自刻苦守節歷三十年

王氏王宏太妻年十八而寡翁姑在堂家境蕭然氏日勤紡績以養翁姑一女適人早卒氏取女之子爲嗣教養成名

任氏王興順妻年十六而寡奉親撫子矢志靡他孫熙哲身列膠庠候選儒學訓導皆氏教養之功也終年八十有四

雷氏王天全妻年二十一而寡子女俱無上奉翁姑下撫猶子家衆蕃衍氏調停和睦人咸稱爲女中丈夫終年七旬有三

馮氏郝炳彥妻年十八于歸生三女夫亡養姑撫女擇賢爲嗣卒年八十有五

侯氏廩生党撫疆妻年二十二而寡子女俱幼翁姑年邁氏以養親教子自任不出戶庭者數十年後子洪登賢書司鐸神木門祚昌榮氏之力也年八十三而卒
閻氏牛星朗妻年二十六而寡遺一子翁姑在堂氏撫子養親辛苦備嘗卒年六十
十有七

李氏牛錫典妻年二十四而寡子女幼弱幸祖父母存焉氏奉侍重帷惟謹教養子女雖半菽不飽沒齒無怨年六十九而卒

王氏李濟用繼配也前妻生子蔚坤年十六入庠王氏于歸年十八濟用以家務窘迫館朝邑越三年疾不起王氏時二十有二蔚坤夫婦極能孝順足慰其心卒以節顯後撫孫某讀書亦入邑庠子婦相繼卒後孫生子子又生孫王氏壽至八旬有五已及見五世孫以天年終